

tutte le prediecte cose et habiti ut supra banditi et devedati l'è prohibito portar over usar quelli sì in casa come fuora de casa ; et similmente ali predicti de poder quelle portar over usar in tutte terre et luoghi dela signoria nostra, sotto le pene estreture de sopra specificade et sicome nele leze se contien ; ale quali in tutto e per tutto de ogni cosa se abia relation per chadauno che più plenaria et particolarmente li bisognasse esser informato.

II. Ornamenti over fornimenti de casa et camere: Et prima l'è prohibito a chadauno citadin over altri in questa cità in ornamento de camera dove intravegna legnami over oro over pentura spender da ducati 50 in suso soto la pena che nel soprascripto capitolo dele zoie se contien.

L'è proibito che alcuno in questa cità non possa haver nè tegnir nè doperar in camera nè in lecto nizuoli (1) lavoradi nè nizuoletti nè entemele (2) de seda nè entemele che habiano i pie lavoradi doro over dargento over che fossero ornade de zoie e perle ; et similiter non possa tegnir nè usar cusini doro dargento nè de seda over ornadi de zoie o perle nè alcuna dele prediecte cose puolenno haver ornamenti de rechamo nè de arzeria nè tegnir al lecto alcuna cortina nè coperta nè covertor nè coltra nè tornalecto nè altro aparato in camera nè in sala che siano facti de panno doro nè de panno darzento nè de brochado nè de veludo nè de raso nè de tabi ; ma ben è licito a chadaun haver et tegnir et usar i predicti ornamenti et aparati zoe (3) coltre coverte cortine covertori e tornalecti de zendado, de tafeta, de catasamito, de ormesin i qual però non siano rechamadi per alcun modo nè habiano sopra dessi altro oro over argento che messo per depentor. Et se alcun sarà trovato haver contrafacto sì in usar alcuno dei predicti ornamenti e aparati per avanti facti over in haverne facti da novo et usarli perde quelli et cade a pena che di sopra nel capitolo dele zoie proibite se contien.

Et similiter fo bandite spaliere e chadaun altro fornimento de casa facto de pano de seda over de lana intaiado, sichè per alcuno farne o usar non si puol sotto pena de perder i fornimenti e

(1) Lenzuoli.

(2) Federe.

(3) Cioè.